

Carmen seriùs transmissum.

A D

V I R U M

PLURIMUM REVERENDUM, AMPLISS-
ATQUE EXCELLENTISSIMUM DOMINUM

ABRAHAMUM

CALOVIVM,

SS. Theologiæ Doctorem, & in

inclytâ Academia VVitebergensi Professore ac p. t.
Facultatis Theologiæ Decanum Celeberrimum; Consistorii

Assessorem, & Ecclesiæ ibidem Pastorem, ac Curriculi
Electoralis Superintendentem Generalem
meritissimum, &c.

*Dominum Antecessorem & Fratrem suum in Christo
instar Parentis honorandum;*

Magnum & incomparabilem Theologum

D O M I N U M

D. JOHANNEM HÜLSEMANNUM, &c.

Socerum suum famigeratissimum
acerbè lugentem.

L I P S I Æ,

Excudebat JOHANNES VVittigau.



Le Israëlis discedit Currus, Equesq̄!

Heu! Tantum exposcunt secula nostra Virum!

Misnia Consilium rogitat Te mite *togata*,
Teque *sagata* petit *Prussia* pressa malis.

Arma horrenda, atrocem animum, ac odia aspera torvo
Vultu enarro, haeret faux mea, voxq̄ tremit.

Terrificis acie dubiâ dum *Sarmata* certat
Cum *Moschis*, Miles *Svecicus* arma ciet.

Armipotensque suas heu! *Transsylvania* Turmas
Horrissonas jungit; Stantque caduntque viri!

Hispida Tartareis Gens est cognominis undis,
Maxima quæ *celeri* gaudia quærit equo.

Quos *Eques humano* capit ortos sanguine, vendit,
Quâ vehitur, *carnem carne saginat equi.*

Suppetias tulit hic tristes; vicinaque tellus
Cum tectis Cives vidit abire suos.

Fert ea flamma rapax, trux *Thrax* hos corripit, ima
Sub duro saxo molliter ossa cubant!

Præstat humo condi patriâ, quàm corpus abactum,
Mancipio tradi, *Turca* tremende, tuo.

Nec sacri defunt belli certamina, linguæ
Miscentur bifidæ prælia, mœsta piis.

Tarpejus sua fert hostis, sua *Zwinglius* acer
Arma, sub insidiis, prave *Socine*, lates.

Mennonista vocat Tremulos, quos *Anglia* pulsat,
Quackeros, Gentis *querquera* monstra novæ.

Pertæsus crepidæ sutor sacra dogmata pandit
Subula permutat *Biblia* sacra levis.

Cimmerijs tenebris fax *Syncretistica* lucis
Dulce jubar *socians*, fellea melle tegit.

Petrus Treichel
varia scripta nu-
gis & erroribus
referta typo
spargens publi-
co.

Quis



Quis non felicem Te dicat, *Magne Calovi*
 Ereptum tantis, quæ tumuere, malis?
 Leucoreas almæ sub pacis munere Musas,
 Nulla timens Martis murmura rauca, regis.
 Dum Sacra Te *Mystis* EPHORUM WELLERIA SVADA
 Præficit, *Eusebie* solverat ore melos:
 Sublimis Celso sub SAXONE culmen honoris
 Conscendis faustum, Principibusque places,
Illustri lateri per publica compita junctum
 Te DUX SAXONIÆ ducit, honorat, amat.
 Ast quanquam pede mors æquo ferit atra tabernas,
 Et lateri *casto costa* resecta cadit.
 HÜLLSEMANNUS, amor noster solatia mittit,
 Optima, Theologico gutture, corde, fide,
 Verbaque dum nequeunt luctum sustollere *lecta*,
Lecta venit thalamo *Filia pulchra* Tuo.
Cynthia SOLE suo digna est formosa, pariq;
 Theologo SOCER hic queritur, ille GENER.
 DEUTSCHMANNUM redamat Doctorem Nata Calovi;
 Nata sed Hülsmanno *Filia Calovium*.
Purpureo veri sic fulgida jungitur æstas;
 Sic aurum nitidum gemma venusta decet.
 Lucidus, auricomo, Titan, qui fulsit Olympo,
 Lumen ut occiduis mergit anhelus aquis:
 Frigida noctivagis tellus involvitur umbris,
 Solis & amissum percipit orba decus.
 Sic HÜLLSEMANNI Domus heu! Domus ampla CALOVI
 Jam deflent magnum corque jubarque suum.
 Digne GENER SOCERO tanto! quis Funere Tanto
 Effundat dignum corde gemente melos?
 Sit verbis, *Vir magne*, Tuis prænobile pondus;
 Luctus is eloquii flumine major erit.
 Non ceu vere novo redeunt nova germina terris;
 Effulgent parili semper honore Scholæ.
 HÖPNERUM, Philyræ, plangentes, sæpe vocabunt
 HÜLSMANNUM, Terræ Lumina Magna suæ,

Videatur Po.
 saune Gottes
 Magnifici Dn.
 D. VVelleri cir-
 ca finem.

Acvs



76 777

*Aeria quæ sint intra viburna Cupressi
Lenta, hoc prælongo tempore robur habent.
Dumq̄ cadunt, prostrata jacent tot robora multa
Ætatis, multas spes quoq̄ precipitant.
Sit gracili similis virgulto nostra Camœna;
Præcitem casum sic flet amara VIRI.
Hinc Israël's discessit Currus, Equesq̄!
Proh! quis Eliseus pallia sacra legat?
Spiritus hunc animet vel duplo munere sanctus,
Signaque perficiat prosperiora Deus!
Fluctivagas undas quot gignit spumifer Albis,
Quot Philyra patulas frons dat amœna comas,
Tot cumulet benefacta Deus, benefacta rependat
Quæ tulit Hulsmanni dextera fida mihi.
In coelis rutilent fulgentibus æmula Solis
Mens radiis, mollis mulceat ossa quies.
Sit benedicta domus! Magni vestigia patris
Theiologo suboles digna Parente legat!
Quos Socero dempsit Generis Deus optimus annos
Addat honorificis! addat honorificos!
CALOVIVMq̄ Senem vegetet per secula multa,
Qui Domini Zebaoth bella decora gerat!*

Debite supradictas causas

D. Johannes Maukisch / S. S. Theol.
Prof. Publ. Gymnasii Gedanensis
Rect. & Past. SS. Trinit.



Carmen seriùs
 A D
 V I R
 PLURIMUM REVERERE
 ATQUE EXCELLENTIS.
 ABRAHAM
 CALO
 SS. Theologiae D
 inclytâ Academia VViteber
 Facultatis Theologicae Decanu
 Assessorem, & Ecclesiae ibid
 Electoralis Superintende
 meritissim
Dominum Antecessorem &
instar Parentis
 Magnum & incompa
 D O M
 D. JOHANNEM Hi
 Socerum suum f
 acerbè l
 L I P
 Excudebat JOH

